



Петрин бичсн негдгч бичг

Нүр үг

Баһ Азийин ар үзгэр тарж бүүрлсн Бурхна улст Пётрин түрүн бичг илгэгджэнэ. Эн бичг итклэс кэлтэ көөгдж йовх болн зовжах улст урмд өгхэр бичгдсмн. Автор терүнд Исус Христосин Сэн Зэнгин тускар умшачнртан сана орулжана. Исус Христосин үкл, эмдрлт болн ирсн туурмж теднд ишл өгчөнэ. Тер төлэд эмтн тесэд зовлңган даах йоста. Яһад гихлэ, теднэ итклин үнн зовлңгар сөрж хэлэгджэнэ. Исус Христосиг хэрү ирхлэ, тедн ачлгдхмн болжана. Пётр иткдг улст түрү цагтнь урмд өгв чигн, тедн Христосин эмтнэ бээсн бээдлэр жирһтхэ гиж саглж келжэнэ.

Учр-утхин зура

Нүр үг 1.1–2

Бурхна аврлтын тускар келлһн 1.3–12

Эрүн жирһлүр дуудлһн 1.13 – 2.10

Зовсн цагтан күцэх христианск даалһвр 2.11 – 4.19

Христианмудын зөвшэл болн церглт 5.1–11

Товчлгч үг 5.12–14

Мендлһн

1 Исус Христосин апостол Пётрэс Понт, Һалатъя, Кападокъя, Азий болн Битүнья гидг һазрмудар тарсн Бурхна шүүж авсн улст. ²Бурхн Эцкин медрлэр тадн шүүж авгдсн билэт, Исус Христосин үгд орхин төлэ, Терүнэ цусар цеврлгдхин төлэ Эрүн Сәкүсәр әрүлгдсн билэт. Цаһан сана, әвтә жирһл таднд әлвгәр өгтдтхә!

Мана нәәләр

³Мана Деед Эзн Исус Христосин Эцк Бурхнд магтал! Әврәннь хәәртәр Бурхн Исус Христосиг әмдрүлэд маднд шин жирһл өгсмн. Цуг эн маднд әмд нәәлвр өгчөнэ. ⁴Тегәд чигн

цевр болн төрүц үрдгө, цагин аюлар уга болдго, тана төлө тенгр деер хадһлгдсн зөөриг бидн авхар нөөлжэнэвидн. ⁵Итклэр дамжад, Бурхн күчэн олзлад, мадниг аврхар хадһлна. Эн аврлт сүл цагт үзгдх. ⁶Олн зүсн сөрлһнэс келтэ тадн невчкн зуур зовад бөөвв чигн, энүнд байрлгн. ⁷Тана иткл йосн иткл мөн гидгнь лавлхин төлө сөрлһнлэ харһна. Тана иткл уга кегдв чигн, зуг һалар сөргджэх алтнас үнтэ. Сөрлһ үзсн тана иткл йосн иткл болж үзгднэ. Тегэд тер иткл Исус Христосин ирх өдр таднд туурмж, магтал, ач өгх. ⁸Тадн Христосиг эс үзвчн Терүнд дурга болнат. Терүг ода эс үзвчн тадн Исуст иткнэт. Туурмжар гилвксн келж болшго байрар байрлнат. ⁹Тана итклин күсл болдг аврлт тадн авчанат.

¹⁰Ээлдэчнр кинэн кевөр хээж аврлһна туск шинжлтин кедлмш күцөсмн. Тедн таднд өггдх хээрлтин тускар ээлдсн билэ. ¹¹Христосин Сөкүсн теднэ дотр Христосин зовлңгин тускар болн хөөтк ирх туурмжин тускар герчлжэв. Тер цагт тедн кезэ, яһж аврлт туслхиг шинжлсмн. ¹²Тенгрэс илгэгдсн Эрүн Сөкүсэр таднд Сэн Зөнг цөөлһжэх улсин келснь ээлдэчнрт биш, таднд тус күргжэхиг ээлдэчнрт медүлгдсн билэ. Эн юмна тускар Бурхна элчнр чигн медхөр седнэ.

Эрүн болти

¹³Тиим учрар ухан седклэрн юм күцэхд белн бөөтн, серглң бөөтн. Исус Христосин ирх өдр таднд өггдх хээрлтд бүклдэн нөөлтн. ¹⁴Сонсхврта үрдүд мет бөөтн. Бурхиг медхин өмн бөөсн му седвэрэр бичэ бөөтн. ¹⁵Ю эс күцэв чигн, таниг дуудсн Бурхна эдл эрүн кевөр бөөтн. ¹⁶Энүнэ тускар Бурхна Бичгт иигж бичэтэ бөөнэ: «Нанла эдл эрүн болти, яһад гихлэ, Би эрүнв».

¹⁷Кемр тадн күүнэ чирэ хэлэлго керг-үүлөрнь эмтнэ зарһ кедг Бурхиг «Аав» гийһэд нерэддг болхла, эн орчлң деер бөөх үлдсн насан Бурхиг күндлэд давултн. ¹⁸Тана өвк эцкнр өгсн хоосн жирһлэс түргн уга кегддг алгар болн цаһан мөнгөр хулдж эс авгдсан тадн меднэт. ¹⁹Зуг тадн дуту уга цевр хурһн мет Христосин ик үнтэ цусар хулдж авгдлат! ²⁰Христос орчлң үүдснэс өмн шүүж авгдсн билэ, болв тана төлө эн сүл цагт ирсн бөөнэ. ²¹Христосин нилчөр тадн Бурхнд иткдг болвт. Бурхн Исусиг эмдрүлж туурулсмн. Эн учрар тадн Бурхнд иткнэт, нөөлнэт.

²²Үннэ үгд орад, ахнр-дүүнрин йосн дуриг үзүлхэр тадн седклэн цеврүлвт. Иим учрар тадн эрүн седклэрн оньдиндэн нег-негндэн дурта болтн. ²³Тадн үрдг экнэс биш, мөнк бээдг Бурхна үгэс төрсн билэт. ²⁴Яһад гихлэ, «орчлнгин эмтэ-киитэ юмн ноһан мет, теднэ туурмж теегин цецгэ мет. Ноһан хумхарна, цецгэс хагсад унж одна, ²⁵Зуг Деед Эзнэ үг мөнк болна». Эн үг тадн дунд тархагдсн мөн.

2 Тадн ямаран чигн худл келдг, хар саната, хойр чирэтэ бөөдлэн, үлү үзлһнэ, худл герчлһнэ занган хайтн. ²Нилх үрн үс уухар седдг метэр, тадн Бурхна үгэс уухар седтн. Тегэд тадн өсэд аврлтд күрхит. ³Яһад гихлэ, тадн Деед Эзн цаһан саната болдгинь бийстн медж аввт.

Эмд чолун болн эрүн улс

⁴Деед Эзн тал өөрдтн. Тер эмгнэ һолсн эмд чолун болвчн, Терүг Бурхн шүүж авла. Тер Бурхна хэлэцэр үнтэ болжана. ⁵Бурхн тадниг эмд чолун кевтэ олзлад, Эврәннь сүмиг тосхжана. Тегэд тадн эрүн гелнгүд болад, Эрүн Сэкүснэс һарчах бэрц бэрхит. Эн тэкл Исус Христосар дамжад Бурхнд тааста. ⁶Бурхна Бичгт иигж бичэтэ: «Хэлэтн! Ода Би Сион деер шүүж авсн сүүрин эрдни һол чолу тэвжэнэв. Терүнд иткдг күн төрүц һутагдшго». ⁷Тегэд таднд, иткдг улст, эн чолун ик үнтэ болжана. Зуг эс иткдг улст: «Эн чолун тосхачнрин һолсн чолун, герин сүүрин һол чолун болж», – гиж Бурхна Бичгт бичэтэ. Бас иигж бичэтэ: «Эн чолунд эмтн бүдрэд унна. Эн харш чолун». ⁸Тедн Бурхна үг эс сонссндан бүдрнэ. Тиим заята улс тедн.

⁹Тадн болхла, Бурхна келн-эмтн, шүүж авгдсн эрүн болн Бурхна алдр йовдлмуд зэнглх улс болн Хаана гелнгүд мөн. Бурхн тадниг харһуһас Эврәннь һээхмжтэ герлүр дуудсн билэ. ¹⁰Урднь тадн келн-эмтн биш билэт, ода Бурхна келн-эмтн болвт. Урднь Бурхн тадниг хээрлсн уга билэ, ода болхла хээрлнэ.

Бурхна зарцир

¹¹Хээртэ үүрмүд! Би тадниг зуульч болн хэр улс метэр эржэнэв: Тана ухан-седклтэ дээлддг килнцтэ тачалмудас хол йовтн. ¹²Буру номта улс дунд чикэр бээтн. Тегэд тадниг хар сана

нарһдг улс гиж гемшэдг эмтн тана цаһан йовдлмуд үзэ бээж Бурхиг ирхлэ, Терүг туурулх.

¹³Деед Эзнэ төлө эн орчлңгин йосн болһнла соңсхврта бээтн. Бол йосн болжах хааг соңстн. ¹⁴Му йовдл нарһдг улсиг цаажлхин болн сә кедг улсан ачлхин төлө хаана тәвсн ачлчнриг соңстн. ¹⁵Бурхна таал иим: Сә кежәсәрн эргү эмтнә меддгоһас һарсн күүндвриг уурултн. ¹⁶Тадн сул улс кевтә бээтн. Зуг хар санаг нуухин төлө, сул бөөдлөн бичә олзлтн. Бурхна зарцнр мет бээтн. ¹⁷Цуг улсиг күндлтн эврәннь ахнр-дүүнртән дурта болтн, Бурхнд сөгдтн, хааг күндлтн.

Исус Христосин зовлң маднд үлгүр

¹⁸Зарцнр, эврәннь эздүдән күндлж соңстн. Һанцхн сән болн номһн эздүдән биш, шүрүн зангта эздүдән бас соңстн. ¹⁹Кемр тадн Бурхна тускар ухалад, буру юм кел уга, зовлң даахла, эн Бурхнд тааста. ²⁰Кемр тадниг буру кесн учрас цокснд тадн тесхлэ, ямаран олз бөөхмб? Зуг кемр сә кеснәс көлтә тадн тесж, зовлң даахла, Бурхнд тааста. ²¹Иигж бөөтхә гийһэд Бурхн тадниг дуудсн билэ. Христос тана төлө зовлңган эдлв. Мадниг Терүнә ишкесн хаалһар йовтха гиж Христос маднд үлгүр болж үдлэ. «²²Килнцгә йовдл Тер төрүц кесн уга, Терүнә үгд худл уга билэ. ²³Терүг му келсн цагт хәрүднһ кү му келсн уга. Зовлң даажаһад, Тер кү әәлһсн уга. Зуг үнн, чикәр зарһ кедг Бурхнд нәәлдг билэ. ²⁴Мадниг килнцин үлмәһәс һарад, чикәр бөөтхә гийһэд, Тер Бий деерән мана килнц авад, кирсд әмән өгсмн. Терүнә шавар бидн эдгләвидн». ²⁵Тадн төөрсн хөд мет биләт. Зуг ода эврәннь Хөөч талан, тана седклин Харулч талан хәрү ирвт.

З¹⁻²Гергчүд, Бурхна үгиг иткдго залус тадна Бурхиг күндлдг болн цевр бөөдл жирһл үзэд, тана үг угаһар Бурхнд итктхә гийһэд, эврәннь залусин үгд ортн. ³Тана йосн сәәхнь гүрсн үснәс, алтнас болн хувцнас һарчах һазак сәәхнь биш болтха. ⁴Зуг тана седклин төвкнүн зангас һарчах мөңк сәәхнь йосн сәәхнь болтха. Эн сәәхнь Бурхнд ик үнгә. ⁵Тиигәд одж кезәнк әрүн күүкд улс Бурхнд иткәсәрн болн залусин үгд орсарн бийән кее-рүлдг билэ. ⁶Сарра тиим күүкд күн билэ. Тер Абрахамин үгд орад, терүг «Мини Эзн» гиж нерәддг бээж. Кемр тадн юмнас әәлго сә кехлө, Сарран күүкд болхит.

⁷Тиим кевэр, залус, гергчүдөн тевчтн. Тана гергчүд таднас чидлөрн баһ болдгинь медтн. Эдн таднла эдл Бурхна жирһлин билг бас авхинь медэ бээж теднлэ жирһтн. Тана зальврлһнд са-алтг бичэ болтха гihэд тиигж бөөтн.

Чик йовдлас көлтэ зовлһн

⁸Аш сүүлднь, цуһар нег ухаһар бөөтн, нег-негндөн сана зовтн, нег-негндөн аһнр-дүүнр мет дурта болтн, цаһан седклтэ болн номһн заңгта болтн. ⁹Таднд му кесн күүнд му бичэ кетн, таниг му келсн күүг бичэ му келтн. Зуг тедниг йөрөтн. Яһад гихлэ, Бурхн таниг әмтиг йөрөхин төлө дуудв. Таднд әдс өгнөв гиж Бурхн үг өгв. ¹⁰Бурхна Бичгт иигж бичөтә: «Жирһлд дурта күн, сән цаг үзхәр бөөх күн эврәннь келән татж, худл келдгән уурх зөвтә. ¹¹Тиим күн хар саната йовдлмудан үлдөһөд, сән йовдл-муд күцөһөд, әрүн седкләрн эвәр бөөхәр шунтха. ¹²Деед Эзн үнн чик седклтә улсиг хэләнә, теднә зальврсиг сонсна, зуг му кедг әмтнлә сөрүцнә».

¹³Таниг сә кехәр седәд бөөхлә, кен таднд му кехмб? ¹⁴Зуг кемр тадн сән йовдл кеснәс көлтә зовлңган әдлхлә, тадн буйн кишгтәт. Күүнәс бичә әәтн, бичә зовтн. ¹⁵Болв седкләрн Христост сөгдтн, Деед Эзн гиж Терүг күндлтн. Тана нәәлврин тускар суржасн кен чигн күүнд кезәчн хәрү өгхд белн болтн. ¹⁶Зуг номһн кевәрн болн тевчнгүһәр энүг кетн. Тана зүркн бийитн гемшөгддоһар тиигж кетн. Яһад гихлә, Христосла ниилж бә-әсн цаһан саната тана жирһлин тускар му келсн әмтн худл келсн төләдөн ичр үзх. ¹⁷Кемр эн Бурхна таал болхла, му кеснәс көлтә зовхин ормд сә кеснәс көлтә зовснь деер. ¹⁸Килнцәс көлтә цуг әмтнә төлө Христос нег дәкж үксмн. Тер чик седклтә күн килнцтә улсин төлө үксмн. Тедниг Бурхн тал авч ирхәр үксмн. Христос күн болад алгдв. Зуг Тер Сәкүснлә негдәд әмдрсмн. ¹⁹Исус Сәкүсәрн йовад, бәрәнд бәәсн хар сәкүсдт* номан тархасмн. ²⁰Ноахиг керм тосхсн цагт, Бурхн сәкүсдиг тесвртәһәр күләсн цагт, тедн Бурхна үгд орсн уга. Керм дотр цөөкн улс, нәәмхн күн орад, усар дамжад авргдсмн. ²¹Эн ода тадниг аврдг кирсллһнә зург. Уснд кирсллһн цогц махмудын кир уһалһн биш, эн намаг гемшәдго зүрк өгтн гиж Бурхнас

* Онданар умшхла, *сүмсдт* болжана.

сурлһн. Кирслһн Исус Христосин эмдрлһөр дамжад тадниг аврна. ²² Исус тенгр деер һарад, Бурхна барун һарт сууна. Залдг болн йос бөрдг Бурхна цуг элчнр Христосин медэнд бээнә.

Бурхна төлө бәәлһн

4 Кемр Христос цогц-махмударн зовагдсн болхла, тадн бас зовлң эдлхәр белн болтн. Цогц бийәрн зовдг күн килнц кедгән уурна. ²Тегәд тер цагас авн күн эврәннь седвәрәр биш Бурхна таалар насни туршт бээнә. ³Урднь тадн буру номта улсин дурта юм кеһәд дала цаг үрәввт. Тана бәәдл-жирһл ичр уга бәәдләрн, седклин тачаларн, согтхин төлө цуглрдгарн, согтуһар дала бузр юм кедгәрн, шүтәдт ичртә кевәр сөгдлһәрн темдгтә билә. ⁴Ода болхла буру номта улс тадниг теднә зерлг, ухан уга йовдлмудт эс орлцхла өврмж кенә. Тегәдчн тадниг тедн му келнә. ⁵Зуг әмд болн үксн улсин зарһ удл уга кех Бурхна өмн тедн кесн үүләрн тооцаһан өгх. ⁶Эн учрар Сән Зәңг үксн улст цәәлһгдсн билә. Тегәд теднә цогц-махмуд үкләр цаажлгдвчн, тедн Бурхнла әдл сәкүсәрн бәәж чадна.

⁷Удл уга цугин чилгч ирх. Эн учрар бийән бөртн, серглң ухага бәәтн, зальврхар белн болтн. ⁸Хамгин түрүнд әрүн седкләрн нег-негндән дурта болтн, яһад гихлә, дурн дала килнц тәвнә. ⁹Һундл өрлго нег негән гиичлүлтн. ¹⁰Тадн дундас кен чигн күн Бурхна оһн-зүсн билгин залач мет Бурхнас авсн онц билгиг талдан әмтнә сәәһин төлө олзлх зөвтә. ¹¹Үг келжәх күн Бурхна үг олзлх зөвтә. Талдан улст нөкд болжах күн энүг Бурхна өгсн күчәр кех зөвтә. Тиигхлә Бурхн цуг юмнд Исус Христосар дамжад туургдх. Терүнә туурмж болн күчн мөнкиндән бәәтхә. Тиигтхә!

Иткләс көлтә зовлң эдлһн

¹²Хәәртә үүрмүд, таниг сөрхин төлө илгәгдсн һал шүрүн зовлңд орсн цагтан бичә алң болтн. Энд өврмжтә юмн уга. ¹³Зуг Христосин зовлңд орлцсндан байрлтн. Тиигәд Терүнә туурмж үзүлгдх цагт, тана седкл күщднь байрар дүүртхә. ¹⁴Кемр тадниг Христосас көлтә му келхлә, тадн буйн киштәт, яһад гихлә, Бурхна Туурмжта Сәкүсн таднла хамдан бээнә. ¹⁵Зуг тадн дундас кен чигн алач, хулхач, хар саната йовдл кедг, күүнә кергт орлцдг күн болж зовлң бичә эдлтхә. ¹⁶Кемр тадн христиан болж зовлң эдлхлә, энүнәс бичә ичтн, зуг тиим ач эдлсндән

Бурхиг туурултн. ¹⁷Яһад гихлэ, Зарһин цаг ирв. Бурхна гер-бү-лэс зарһ эклх. Кемр зарһ маднас эклхлэ, Бурхна Сэн Зөңгд эс иткдг улсла юн учрхмб? ¹⁸Кемр «чик седклтэ күүнд аврлт авхд күчр-күнд болхла», Бурхнд иткдго улсиг, килнцтэ улсиг юн кү-лэжэхмб?

¹⁹Эн учрар Бурхна таалар зовжасн улс эврәннь эмэн итклтэ Үүдэчд даалһад, цааранднь чигн сэ кеһэд бөөтхэ.

Бурхна сүрг

СБи Христосин зовлңгиг үзсн болн үзүлгдх зөвтэ туурмж хувах чонжин хардачв. Тадн дунд бөөсн чонжин хардачнриг онц кевэр суржанава. ²Таднд даалһсн Бурхна сүрг хэрүлтн. Күчэр келгжэх көдлмш мет биш седклэрн эн кергэн күцэтн. Мөңгнэ төлэ биш эрүн седклэрн церглтн. ³Таднд даалһсн улст нойн бичэ болтн, зуг Бурхна сүргт үлгүр болтн. ⁴Тиигхлэ Ах Хөөч ирхлэ, тадн туурмжин төрүц үрдго титм авхит.

⁵Тиим кевэр баһчуд чигн чонжин хардачнрин үг соңстн. Хорндан цуһар номһн кевэр бөөтн. Яһад гихлэ, «Бурхн омгта улсин өмнэс сөрүцнэ, зуг номһн улст хээрлт өгнэ». ⁶Эн учрар күчтэ Бурхна өмн бийән номһрултн. Цагнь ирхлэ, Бурхн тадниг деегшулх. ⁷Зовжах седклин ацаһан Бурхнд өгтн, яһад гихлэ, Тер таднд килмжән өгнэ.

⁸Бийән бэрэд, серглң бөөтн. Тана өшэтн эрлг, өөртн күүг зальхар хээжэх арслң мет күркрэд йовад бөөнэ. ⁹Бат итклтэ бөөтн. Эрлгин өмн зөрлцж зогстн, нарт делжэд бөөсн тана ахнр-дүүнр тиим кевэр бас зовлң даажахинь тодлтн.

¹⁰Зуг невчкн зуур зовлң үзсн хөөн тадниг Исус Христосла негдснд мөңк туурмж автха гиж дуудсн хээрлтин Бурхн тадниг күццднь сээрүлэд, итклд батрулад, күч өгх. ¹¹Төрүнэ цуг йосн мөңкиндән бөөтхэ. Тиигтхэ.

Төгсөр

¹²Эн ахр бичиг би Силуанар дамжад бичв. Минийһэр болхла, эн итклтэ ах. Мини бичсн үгмүд Бурхна йосн хээрлтин герч гиж би таднд урмд өгхэр герчлжәнэв. Эн хээрлтд батар зогсхитн эржәнэв.

¹³Таднла эдл шүүж авгдсн Вавилон балһсна чонж болн Марк гидг көвүм таднд менд илгэжәнэ. ¹⁴Нег-негнтөһән ахнр-дүүнрин дурна үмслһэр мендлтн. Христос Исусла негдсн таднд эв иртхэ!